



COMUNU DE DOMUS DE MARIA

S

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

E...STATE IN DOMUS DE MARIA E CHIA 2024

Eventus, spetàculus, traditzioni

S'Amministratzioni Comunali po cust'istadi 2024 at traballau po offerri unu calendàriu arricu de spetàculus e manifestatzionis culturalis de contu po is citadinus suos e po totus is chi ant a fai is vacàntzias in su territòriu nostru.

Is spetàculus e manifestatzionis istadialis torrant a sa voluntadi de s'Amministratzioni de satisfai is esigèntzis pedias de sa popolatzioni, de chini tenit atividadis comercialis e de is turistas.

Ocannu unu bellu traballu po fai unu calendàriu difìcili chi torressit sceda a is abisòngius amostaus: duncas me in su 'palinsesto' istadiali nc'ant a essi logus po fai spetàculus po pipius, picocus e giòvunus, ma fintzas po chini no est prus giòvunu.

S'est amanniada s'offerta culturali cun mùsica arrefinada e de spantu.

Torraus gràtzias a sa Parròchia e a su Predi Marco Marcis ca at propostu e cuncordau una pastorali turìstica bella meda e po essi donau s'anfiteatru de sa Crèsia de Chia cumentu logu aundi apariciai is manifestatzionis culturalis.

Torraus gràtzias fintzas a is assòtziu Pro.Loco e C.I.F. ca ant traballau a manu tenta cun s'Amministratzioni Comunali de Domus de Maria po parìcius eventus.

Pedeus de cumpartziri beni meda su calendàriu!

Bona istadi a totus!